

# SOKOLSKI GLASNIK

GLASILO SAVEZA SOKOLA KRALJEVINE JUGOSLAVIJE

MESEČNI PRILOG "SOKOLSKO SELO"

**Čuvajte Jugoslaviju!**

Izlazi svakog petka — Godišnja pretplata 50 Din — Uredništvo i uprava nalazi se u Učiteljskoj tiskari, Frančiškanska ulica broj 6, telefon broj 2177 — Račun poštanske štedionice broj 12.943 — Oglasi po ceniku — Rukopisi se ne vraćaju



Ljubljana, 24 maja 1935  
God. VI — Broj 22

## Premeštaj načelnništva Saveza SKJ u Beograd

Sa sednice načelnništva Saveza SKJ u Ljubljani

U subotu, dne 18. g. m., održana je u Ljubljani poslednja sednica starog načelnništva Saveza SKJ, koju je sazvao i vodio dosadani savezni načelnik br. Miroslav Ambrožič. Ovoj sednici prisustvovali su svi članovi i članice načelnništva Saveza SKJ, i to, pored načelnika, zamenici saveznog načelnika br. Miroslav Vojinović, Dragutin Sulce i Josip Jeras, načelnica s. Skalar i zamenice načelnice ss. Štefica Brozović i Joža Trdina. Pored ovih na sednici je bio pozvan i novi načelnik Saveza br. dr. Alfred Pichler.

Dosadani načelnik br. Miroslav Ambrožič upoznao je na ovoj sednici članove načelnništva sa stanjem, koje je nastalo u saveznom načelništvu posle zbora župskih načelnika i načelnica, a koji je bio održan još meseca avgusta prošle godine, kada je bila zaključena načelna koncentracija pojedinih delova uprave Saveza SKJ u Beogradu. Time u vezi zbor župskih načelnika i načelnica, koji je održan dno 12 aprila o. g. u Beogradu, na osnovu već stvorenog zaključka o prenosu načelnništva Saveza SKJ u Beograd izabrao je novo savezno načelnništvo.

Kako je pak sadanja peta glavna godišnja skupština Saveza ovaj predlog odobrila, dosadani načelnik br. Ambrožič predložio je, da se vođenje poslova načelnništva Saveza odmah prenese u Beograd, kamo od sada treba slati i sve dopise, a što je sednica i usvojila. Do definitivnog preseljenja novog saveznog načelnika br. dra Pichlera u Beograd, poslove saveznog načelnništva vršće i zamenik načelnika br. Miroslav Vojinović.

Na koncu sednice dosadani načelnik br. Ambrožič srdačno se je zahvalio svim članovima i članicama načelnništva kao i tehničkog odbora Saveza na potpori i poverenju, koje je od njih uživao za sve vreme svoga načelnikovanja u tako obilnoj meri te se je oprostio od novoga načelnništva, zaželivši mu srećan i uspešan rad za napredak našega Sokolstva.

## Zahvala Saveza bugarskih Junaka Savezu SKJ

Savez Sokola Kraljevine Jugoslavije primio je od Saveza bugarskih gimnastičkih društava Junak sledeću pismenu zahvalu:

Sofija 17 maja 1935

Draga braćo Sokoli!

Pretsedništvo Saveza bugarskih gimnastičkih društava Junak, na svojoj zasjedanju od 15 maja o. g., saslušavši izveštaj vode naše delegacije Junaka br. prof. dra Mineva o tako vanredno toplom prijemu, koji ste ukazali našoj delegaciji da se je zaista osećala u bratskoj sredini, smatra svojom dužnošću da Vam izreče najsrdačniju blagodarnost, a preko Vas i blagodarnost bratskoj Jugoslaviji.

Zdravajte!

Pretsednik:

General Raško Atanasov, s. r.

Tajnik:

Petar Petrov, s. r.

## Pozdravni telegram Savezu SKJ ministra Dimitrija Vujića

Povodom održanja svoje pete glavne godišnje skupštine Savez SKJ primio je od ministra saobraćaja gosp. Dimitrija Vujića pozdravni telegram sledećeg sadržaja:

Toplo pozdravljam skupštinu i želim nove uspehe za dobro Kralja i Otađbine.

Ministar saobraćaja:  
Dimitrije Vujić.

## Jedna dirljiva sokolska manifestacija češkoslovačko-jugoslovenskog bratstva u Ljubljani

# Predaja barjaka, dara dece Vinohradskog Sokola, deci Sokolskog društva Ljubljana I

Barjaku je kumovao Nj. Vel. Kralj Petar II

U red najdirljivijih i najsrdačnijih manifestacija našega Sokolstva zastavno može se ubrojiti i svečana predaja barjaka — dara dece Vinohradskog Sokola — deci Sokolskog društva



Jugoslovenska Sokoličica želi dobrodošlicu svojoj maloj braći i sestricama iz Češkoslovačke

Ljubljana I. Ovaj barjak, koji nosi kao geslo napis: »Vernost za vernost — ljubav za ljubav«, prvi je barjak sokolske dece u našoj zemlji. I iz toga razloga, a i iz razloga što je to dar sokolske dece iz bratske Češkoslovačke jugoslovenskoj sokolskoj deci, blagoizvoleo se je preuzeti kumstva tome barjaku sam Nj. Vel. Kralj Petar II.

Već pola godine pripremala su se deca Sokola Vinohradi da pohrle u belu Ljubljani, u bratski zagrljaj svojoj maloj braći i sestricama. I stigli su u petak dne 17. o. m. po podne, pod vodstvom braće načelnika: Cireka, Jirsaka, Bubenička, Lenca i Slavička te načelnice s. Skalicke i ss. Cernetove i Svobodove. Svega je stiglo 13 dečaka i 18 devojčica, kojima je već na granici u Mariboru bio priredena srdačan doček, kao i dalje na svim većim stanicama do Ljubljane. U Mariboru češkoslovačkoj sokolskoj deci bila je priredena i mala zakuska, a tu ih je dočekao i tajnik Sokolske župe Ljubljana br. Stane Flegar.

Sam doček češkoslovačke dece u Ljubljani, koja je za ovu prigodu nazov gradonačelnika br. dra Ravnihara bila iskićena zastavama, bio je vanredno srdačan. Pri dočeku na stanici sakupila se masa sveta, mnoštvo Sokola i prijatelja Sokolstva te predstavnici raznih korporacija i udruženja. Tu su se, među ostalima, našli: konzul Češkoslovačke Republike br. inž. Ševčik, zatim predsednik Češkoslovačko-jugoslovenske lige br. dr. Stare, u ime gradske opštine br. dr. Fetih. U ime Sokolstva bili su: I zamenik starešine Saveza SKJ br. E. Gangl, bivši savezni načelnik br. Ambrožič, zamenici saveznog načelnika br. Miroslav Vojinović i Jeras, br. dr. Riko Fuks i mnogi drugi. Desetak minuta pro dolaska praškog voza stigla je na stanicu i velika povorka sokolske omladine s glazbom Sokolskog društva Ljubljana I. Na čelu ove povorke nošena su dva velika barjaka — češkoslovački i jugoslovenski. U povorci bili su: starešina Sokolskog društva Ljubljana I br. inž. Beve i starešina Ljubljanskog Sokola br. Kajzelj. Kada je voz ušao u stanicu, glazba je intonirala sokolski marš, a masa sakupljenih dočekala je goste burnim poklicima. Češkoslovačku braću i sestre pozdravila su najpre deca Sokolskog društva Ljubljana I, zatim predstavnici Jugoslovensko-češkoslovačke lige, grada i Sokolstva, zaželeвши im srdačnu i toplu dobrodošlicu. Nakon pozdrava formirana je povorka, koju je mnogobrojna publika na ulicama iskreno pozdravljala. Češkoslovačka deca bila su nato povedena u Znanstveno-segrtski dom, gde im je bilo pripremljeno udobno konačište za sve dane njihovog boravka u Ljubljani. U subotu dne 18. o. m. ujutro češkoslo-

vačka deca razgledala su Ljubljani i pred spomenik Nj. Vel. Kralja Petra I Oslobođioca položila prekrasan venac. Tu pred spomenikom načelnik Vinohradskog Sokola br. Cirek najpre je deci objasnio istoriju oslobodilačkih borbi Jugoslovena i prikazao im veličnu velikog Kralja Petra Oslobođioca. Nakon ovog dirljivog akta pijeteta pošla su deca s vodnicima u Narodni dom, gde ih je pozdravio starešina Ljubljanskog Sokola br. Bogumil Kajzelj. Tu su deci pokazane prostorije Ljubljanskog Sokola, a zatim im je priredena zakuska, za vreme koje su se češkoslovačka deca odmah pomešala i sbratimila s decom Ljubljanskog



I zam. starešine Saveza SKJ br. Gangl pozdravlja u ime jugoslov. Sokolstva vođu češkoslovačke sok. dece načelnika Vinohradskog Sokola br. Cireka

Sokola. Po podne toga dana češkoslovačka deca razgledala su Ljubljanski stari grad, a kasnije su pošla u kavano »Nebotičnik«, gde im je na najgornjoj etaži uprava kavano priredila čajanku.

Uveče priredena je u prepunu velikoj dvorani Sokolskog doma na Taboru svečana akademija s biranim programom. I ovoj akademiji prisustvovali su svi većore pomenuti predstavnici, nadalje zastupnik bana Dravsko-banovine, načelnik prosvetnog odeljenja br. dr. Breznik, gradonačelnik br. dr. Ravnihar, francuski konzul g. Remeran, novi načelnik Saveza SKJ br. dr. Pihler, starešina Sokolske župe Ljubljana br. dr. Pipenbacher, predstavnik Jadranske straže, Kola jugoslovenskih sestara, Saveza kulturnih društava i t. d. Dvorana je bila ukusno dekorisana češkoslovačkim i jugoslovenskim barjacima, zelenilom i slikama, a na balkonu između jugoslovenske i češkoslovačke trobojke bio je smešten krasno stilizovani jugoslovenski državni grb. Među gostima bio je prisutan i veliki prijatelj našega naroda redaktor praških »Narodnih listova« br. Strakati, koji se slučajno desio u Ljubljani.

Program akademije počeo je sviranjem orkestra Sokolskog društva Ljubljana I, koji je intonirao Pašcanov »Sokolski pozdrav«, nakon čega je predsednik odbora za ovu svečanost I zamenik starešine Saveza SKJ br. Gangl pozdravio sve prisutne, a naročito uputio najtoplije pozdravne reči najmilijim gostima — deci Vinohradskog Sokola. Br. Gangl je u svom govoru osobito podvukao značaj ove proslave, do sada jedinstvene u našem Sokolstvu. Posle govora br. Gangla orkestar je pod vodstvom br. Verija Švajgara intonirao češkoslovačku i jugoslovensku himnu, nakon čega je otpočelo izvođenje telovežbenih tačaka akademije. Prve su nastupile naraštajke, koje su precizno i elegantno izvele sastav s. Dopude, načelnice župe Sarajevo »Novo pokolenje« uz recitativne. Zatim je 9 braće na ručama izvelo vrlo lepe sastave, čime se pokazalo, da Sokolsko društvo Ljublja-

na I raspolaže s mnogim odličnim vežbačima na spravama. Iza njih 6 članica izvelo je sastav s. Jugove — vežbe s čunjevima — i to odlično i skladno, što se je videlo i po tome, da se je ovaj sastav publici naročito svideo. Naraštajci, koji su za njima nastupili svojim skupnim skokovima preko dva konja pekazali su vrlo dobru izvežbanost i sigurnost. Vodio ih je požrtvovni br. Prosenec. Sledili su dalje članovi, njih osmorica, koji su veoma dobro izveli teški sastav brata Polića. To je bio ujedno i jedan od najlepših sastava ovog večera, koji je izazvao udivljenje i oduševljeni aplauz. Zatim su članice lepo, umerno i graciozno izvele sastav s. Trdinove ritmičkih prostih vežbi. Za njima su ponovno nastupili članovi na vratilu. Kao deseta tačka programa nastupili su naraštajci s vežbom: »Moć volje i čežnje«, koju je sastavio br. Nahlik i koja je izvedena veoma skladno. Zadnja tačka telovežbenog dela programa bio je nastup naraštajaca, naraštajki, članova i članica s telovežbenim plesovima, koje je sastavio načelnik Sokola I br. Pirc. Ovaj odličan sastav, također jedan od najlepših, bio je i odlično izveden i izazvao je buru oduševljenja. »Sokolskim maršom« zaključena je ova akademija, na koju može Sokolsko dru-



U ime Sokolskog društva Ljubljana I češkoslovačke goste pozdravlja starešina društva br. inž. Beve. Do njega dosadani načelnik Saveza SKJ br. Ambrožič

štvo Ljubljana I biti ponosno. Češkoslovačka deca, koja su bila smeštena na balkonu dvorane, s velikim interesovanjem pratila su akademiju, o ko-



Skupina dece Vinohradskog Sokola, koja je stigla u Ljubljani da preda deci Sokolskog društva Ljubljana I dečji barjak, dar dece Vinohradskog Sokola

joj se je veoma laskavo izrazio i vođa delegacije načelnik br. Cirek.

Nedelja pre podne bila je posvećena svečanoj predaji barjaka. Iako vreme nije bilo najpovoljnije, ipak su na ovu svečanost došla deca svih ljubljanskih i okolišnih društava predvodena članstvom, i to u velikom broju, napunivši galerije i balkone. U samoj dvorani, koja se počela puniti već pre pola deset, na naročitoj podiju bila su smeštena deca Sokolskog društva Ljubljana I, a među njima u sredini deca Sokola Vinohradi sa svojim načelnikom i načelnicom. U pozadini bila je postavljena bista Nj. Vel. Kralja Petra, Visokog Pokrovitelja ove proslave, pred podijem pak smestili su se sa svojim barjacima barjaktari ljubljanskih i okolišnih društava. Oko deset sati bila je dvorana prepuna Sokolstva i publike. Bio je namešten i mikrofoni, koji je prenosio putem radija ovu dirljivu svečanost. Sve je samo čekalo na dolazak zastupnika Nj. Vel. Kralja. U deset i deset minuta stigao je zastupnik Visokog Kuma, general g. Jovanović, kojeg su na ulasku u dvoranu dočekali I zamenik starešine Saveza SKJ br. E. Gangl, starešina Sokolskog društva Ljubljana I br. inž. Ladislav Beve i tajnik župe Ljubljana br. Flegar te ga uveli u dvoranu. Glazba Sokola I intonirala je tada »Sokolski pozdrav«, a svi prisutni ustali su sa svojih sedišta. U ime dece Sokola I pozdravila je izaslanika Nj. Vel. Kralja mala sestra Jugova, koja mu je predala kitu crvenih karamfila, moleći ga, da na Najvišem mestu bude tumačem zahvalnosti dece Sokola I Visokom Kumu. Ganuť, zastupnik Nj. Vel. Kralja primio je kitu i poljubio u čelo malu Sokolicu. Reč je tada uzeo starešina Sokola I br. inž. Beve, koji je pozdravio zastupnika Visokog Kuma, moleći ga, da izvoli biti tumačem izraza duboke zahvalnosti i odanosti Nj. Vel. Kralju, a kao vidan znak tih sokolskih osećaja Sokolsko društvo Ljubljana I je srećno što može podariti Visokom Kumu sokolskog dečjeg barjaka plaketu, rad vajara Dolinara, koja simbolizuje sokolsku ljubav i vernost. G. general primivši plaketu srdačnim rečima zahvalio se je bratu starešini, izjavivši, da će na Najvišem mestu biti tumač izraza sokolske zahvalnosti i predanosti te predati ovu krasnu plaketu. Tada je starešina Sokola I br. inž. Beve pročitao stigele telegrafске pozdrave ministra za fizičko vaspitanje brata dra Ljudevita Auera, ministra soc. politike dra Dražga Marušića i min. na raspoloženju dra Kramera, koji su svečanosti poželeli najlepši uspeh. Obracujući se dak deci Vinohradskog Sokola, srdačno pozdravlja ju i predaje joj sličnu plaketu te tekst Rožančeve himne »Sokolskom barjaku«. Publika je u tom času pozdravila mjele češkoslovačke goste burnim pljeskom. Na kraju je br. inž. Beve predložio da se odašalju telegrafski pozdravi Nj. Vel. Kralju Petru II, zatim bratskoj Češkoslovačkoj obci sokolskoj i Savezu SKJ, što je primljeno s oduševljenjem. U ime češkoslovačke delegacije zahvalio se bratu starešini biranim rečima načelnik brat





ROSIIJA - FONSIER • društvo za osiguranje i reosiguranje • Beograd

Po podne u 3 1/2 časova počela je javna vežba u prisustvu lepog broja posetilaca. Program je dobro izveden i na prisutne je ostavio snažan utisak.

Posle završenog programa nastalo je na vežbalištu uz pesmu i muziku narodno veselje.

Župa Osijek

TOMPOJEVCI. - Streljačka sekcija Sokolskog društva u Tompojevci- ma obavila je dne 12 maja prvo redovito oštro gađanje iz pušaka. Udaljenost mete utvrđena je sa 250 metara.

Župa Petrovgrad

TOMASEVAC. - Društveni izlet. Dana 6 maja t. g. - na Đurdevdan bili su svi pripadnici ovog društva na izletu u obližnjoj šumi.

Župa Sušak - Rijeka

ALEKSANDROVO. - Đurdevdanski uranak. Naše Sokolsko društvo i ove godine proslavilo ovaj naš tradicionalni nacionalni običaj - Đurdevdanski uranak u nedelju 12 maja.

Čitavo vreme proveli smo u najlepšem veselju i zadovoljstvu. Svaka kategorija pored skupne zabave tražila je i svoj način zabave.

Ali zato neki članovi bili su osuđeni i na pečenje janjaca te nisu mogli tako živo da se nateču u gađanju. Članice i naraštajke zabavljale su se odbojkom, a posle njih i muški naraštaj i tako se čitavo do podne provelo u naročitoj raspoloženju.

Posle ručka brat prosvetar održao je govor o značenju Đurdevdanskog uranka iznesavši sve one teške borbe našega naroda protiv Turaka te značaj borbi hajduka, koji su se o Đurdevdanu sastajali u gori da nastave borbu do Mitrovdana.

Posle toga krenuli smo uz pesmu kući te je tako završen ovogodišnji naš đurdevdanski uranak. M. B.

CRIKVENICA. - Proslava Zrinjsko-Frankopanska. Naše Sokolsko društvo proslavilo je dne 12 maja vrlo svečano dan Zrinjskog i Frankopana. Do podne u 11 sati održana je matineja u općinskoj vešnici s vrlo lepim programom.

Mali brat Hajdukveljković deklamovao je »Na Ozlju gradu« s mnogo čustva i orosio mnogima oči kada je zadnje stihove plačući završio. Sa »Sokolskim pozdravom« završen je prvi deo proslave.

Na večer istog dana održana je sokolska zabava u prostorijama Esplanade, koja je ispala vrlo dobro.

Prikazan je igrokaz »Vilinsko kolo«, koje su izvelo naše naraštajke i sok. deca. Naši mali glumci i glumice pokazali su, da se s malo volje može mnogo učiniti.

Zadnja točka »Alegorična slika« izvedena je vrlo lepo. Iza toga nastala je zabava s plesom.

Naše gospode, pod vodstvom sestre Skomorovski, pokazale su, da se i u Crikvenici može prirediti jedna zabava, koja može svakoga zadovoljiti. Organizovale su odlično bufet.

OTOČAC. - Zrinjsko-Frankopanska proslava. 12 maja o. g. naše društvo održalo je proslavu Zrinjsko-Frankopansku.

Uspelo predavanje održao je br. Jakov Beljajev. Predavač je u svom govoru oertao teško ondašnje stanje pod tudinom i postepeno buđenje svesti za oslobođenjem i ujedinjenjem. Ti ideali ostvareni su ujedinjenjem u veliku i moćnu Kraljevinu Jugoslaviju.

PAG. - Prikazivanje Gogoljeve »Ženidbe«. Pozorišni otesek Sokolskog društva u Pagu priredio je u nedelju 12 maja Gogoljevu »Ženidbu«.

I ovoga puta, a to nije prvi put, ističemo da je u Pagu moguće uraditi mnogo na pozorišnom polju. Uvreti su svi tu. Samo malo više volje kod intelektualaca, pa bi se ovakove priredbe mogle izvoditi vrlo često.

VRBNIK. - Zrinjsko-Frankopanska proslava. U nedelju 28 aprila se je održala proslava u spomen Zrinjsko-

Frankopanske tragedije. Pred punom dvoranom otvorena je proslava sa »Sokolskim pozdravom«. Pored državne himne pevano je još nekoliko prigodnih pesama.

Iserpno predavanje o životu i radu Petra Zrinjskoga i Franje Krste Frankopana održao je brat profesor pop Jerko Gršković. Simpatična pojava popa Jerka na sokolskoj pozornici bila je jedna ugodna novina za ceo Vrbnik.

Proslava je završena sveslovenskom himnom »Oj Sloveni«, koju su svečano pevali svi prisutni.

Župa Varaždin

VARAŽDIN. - V župska natecanja. U nedelju 2 juna održavaju se u Varaždinu peta župska takmičenja. Do sada se je prijavilo preko pedeset vrsta, koje će se natecati o prvenstvo župe.

DEKANOVEC. - Proslava Majčinog dana. Sokolsko društvo u Dekanovcu proslavilo je Majčin dan u subotu dne 11 maja 1935 u 17 časova. Predavanje o Majci održao je brat Velčić, društveni prosvetar.

IVANEC. - Okružni slet. Prigorsko okružje priređuje 22 i 23 juna o. g. svoj prvi okružni slet u Ivancu. U subotu 22 juna biće akademija s nastupom najboljeg pevačkog zbora čete Križovljan-Cestica, koji je na natecanjima u Zagrebu postigao prvo mesto.

koji je postigao lepe rezultate na sarajevskom sletu.

U nedelju 23 juna održaće se u jutro pokuši, zatim povorka mestom i zborovanje na glavnom trgu. Posle podne biće javna vežba s nastupom svih kategorija.

Iako je taj slet obezvezan samo za Prigorsko okružje uzete na njemu učesća i susedna okružja varaždinske župe, tako da će to biti jedna od najjačih ovogodišnjih priredbi u našoj župi.

Za taj slet sve su pripreme u toku, a zatražiće se povlašćena vožnja i posebni voz za povratak.

ŠENKOVEC. - Tehničko-idejni tečaj. Mursko sokolsko okružje priredilo je 12 maja u Šenkovcu jednodnevni tehničko-idejni tečaj za sokolske čete Šenkovec, Moškovec, Zasadbreg i Sv. Juraj na Bregu. Tečaj je vodio župski prednjak br. Ivo Peršić.

Iza natecanja otpjevao je uži mešoviti zbor čete Šenkovec pod vodstvom br. Fabete nekoliko pesama.

Ovaj tečaj bio je jak potstrek za župsko natecanje 2 juna u Varaždinu.

Župa Zagreb

KUTINA. - Izvedba operete »Lijepa Gejša«. Sokolsko društvo Kutina, pevački otesek, priredilo je dne 11 maja o. g. operetu »Lijepa Gejša« ili »Jedan dan u Japanu« za mešoviti zbor, soliste i plesače.

Br. ing. Vajler, šumar, izradio je kulise upravo umetnički. Kostimi i svetlo mogli su se uporediti s onima u velikim kazalištima.

U svakom pogledu je ova priredba bila na visini, te je na sve prisutne imala najdublji utisak i umetnički užitek.

Sveopća je želja, da se ista ponovi u mestu i u okolnim sreskim mestima.

Materijalni uspeh bio je isto tako zadovoljavajući.

OROSLAVJE. - Zrinjsko-Frankopanska proslava. Dana 19 maja 1935 proslavilo je Sokolsko društvo u Oroslavju obilnicu smrti neumrlih junaka Petra Zrinjskoga i Franje Krste Frankopana.

SLAV. POŽEGA. - Zrinjsko-Frankopanska proslava. U utork 30 aprila 1935 godine održalo je Sokolsko društvo Slav. Požega spomen-proslavu povodom obilnice tragične smrti narodnih velikana Petra Zrinjskog i Franje K. Frankopana.

Program, koji je bio vrlo obiman i skladno izveden, bio je ovaj: 1) Zajc: Zrinjsko-Frankopanska (otpevao muški zbor »Vijenca«); 2) Mučenička smrt P. Zrinjskog i F. K. Frankopana (Predavao brat A. Petković, profesor); 3) A. Diabelli: Sonata G-dur (Solo klavir s. M. Kunc, uč. i razr. gimn.); 4) Ch. Beriot op. 100: Baletska scena (Solo violina brat A. Blask, na klaviru pratila sestra V. Stajnerova); 5) Zajc: »Na vojsku« (otpevao muški zbor Hrv. pjev. društva »Vijenca«); 6) Zajc: Ouvertura iz opere »Bojsiska vještica« (Svirao orkestar Jug. dačkog udruženja »Strosmajer«); 7) Holub: Karišik jugoslov. napjeva (Svirala sokolska glazba); 8) Muški naraštaj - proste vežbe; 9) Vlasak: Karišik narodnih pjesama (Svirao orkestar Jug. dačkog udruženja »Strosmajer«); 10) Muška deca - proste vežbe; 11) Vežbe na ručama (muški naraštaj).

ZIVAJA. - Priredba. Na dan 29 aprila 1935 održala je ova četa svoju prvu ovogodišnju zabavu u ovdashijskoj državnoj osnovnoj školi.

Program: 1) Deklamacija »Kralju Mučeničku«, deklamovao dak IV razr.; 2) »Sveti Sava«, deklamovao dak IV razr.; 3) »Našem Sokolu«, deklamovao član podmlatka; 4) »Govor svećaka«, igrokaz u jednom činu, izveli daci osnovne škole; 5) Proste vežbe za čete, izvodili vežbači ove čete; 6) Vežbe društva Dubica; 7) »Nesrećni prosač«, šala u jednom činu, izvodili članovi ove čete.

Lepa točka bio je nastup naraštajaca Sokolskog društva Dubica. Posle programa bio je ples.

Širite Sokolsku štampu
»Sokolski glasnik«, »Soko«,
»Sokolsku prosvetu«,
»Sokolsko selo«,
»Sokolić« i »Našu radost!«

Vse tiskovine za sokolska društva, potrebne knjige za sokolske knjižnice, vabila, letake, lepake za sokolske priredbe... UČITELJSKA TISKARNA V LJUBLJANI, FRANČIŠKANSKA 6

JUGOSLOVENSKA SOKOLSKA MATICA u Ljubljani
opskrbljuje u smislu čl. 2 svojih pravila sve sokolske organizacije u zemlji sa svim potrepnostima... Prodaja odora sviju kategorija

Zastave u svima izradama državne, sokolske i brodarske različitijem brzo i jevtino. - Adresa: Radionica zastava INKLER JOSIP, Subotica

Brata i sestre! Nabavljajte odore, vježbovna odijela i ostale sokolske potrepnosti kao i sokolske zastave uz najjeftiniju cijenu i solidnu izradbu kod bratske radnje BRANKO PALČIĆ glavni dobavljač Saveza S. K. J.

KLIŠETE svih vrsta fotografija ili risbah izveštije najsolidnije KLIŠARNA ST-DEU LJUBLJANA-DALMATINOVA 13